

續唐縣志略

仙釋

晉

黃野人葛洪弟子適洪在清虛採藥種椒後同至羅浮  
結廬於冲虛觀側時有啞虎守之洪既仙去留丹於  
柱石間野人自外至得一粒服之為地行仙常有詩  
云雲來萬嶺動雲去天一色長嘯兩三聲空山秋月  
白

宋

續唐縣志略

雜志

年

椒仙翁隱居葛山每在古柏下扣石而歌昔陰長生丹  
經言也修煉於天風臺白日飛昇

元

牛師傳不知名號里籍自居洞中每夜有虎卧洞口人  
問以仙真之道每答曰有動之動出於不動有為之  
為出於無為不過煉精成氣煉氣成神煉神合道而  
已知藥而不知神室則不可結胎神室而不知火  
候則不可成丹與王婆婆同時尸解

王婆婆不知何許人在窟裡焚修數十年漸識字通文

窪裡無水離牛師傅洞三里許汲水一日牛曰汝  
人也往往向我洞中汲水荅曰我不得已也別無水  
可汲牛曰汝所坐之處有水何用遠求王以牛爲嘲  
戲將汲筭擲碎哭罵而歸坐在菴中拍地而哭手拍  
處忽湧大泉頃刻成溪泉中生蓮一朵捧王婆婆端  
坐而逝香氣數日不滅同時牛師傅亦坐化

國朝

滴水崖二老道係師與徒也未傳姓名里籍日坐小石  
穴內辟穀絕粒深得胎息之旨順治十年間人問其

續唐縣志略

雜志

九

姓名不荅又問其年紀荅曰到此山時聞說伽璘和  
尚結皇帝撰揲兒法再問卽閉目不作聲如熟睡狀  
按元順帝至正十三年有西番僧伽璘教元主行房  
中連氣之術撰揲兒者言大喜樂也至順治十年約  
四百歲矣後不知所往

參虎道人姓侯名常和字振山正定人居九峻觀明天  
罡禹步之訣每日暮炊飯置木槽中擊鐵喚虎俱來  
吃畢叱之卽去日爲常同鄉人浴唐河侯裂腹出腸  
肚洗之衆驚懼欲走侯復將腸肚裝入腹按摩如故

順治十年邑令張修東岳廟敦請下山作持住後入京師至坐化之次日邑內洪琳見侯來謁相見甚歡囑琳云貧道去朝神和山小徒萬祈照拂飲茶而別廟中即投計亦尸解也

王士衢字文卿保定府之清苑人宦家子入葛山學道康熙五十八年

召入以道服見優禮甚封清虛真人隨歸山發帑在後暖谷修斗母閣

聖祖御書清虛真人匾并撰眉橫無念乾坤外鼻豎有形妬

類唐縣志略

雜志

卷

復中對聯懸閣前文卿自題息處曰留雲榻雍正十年牙化

瑞岩禪師名文琳明永樂十七年遼東左都督劉江從外國攜來祝髮爲僧無出其右者師授多心經讀至五蘊皆空豁然大悟結茅於葛山之桃園日誦法華戒律甚嚴臨終書偈而逝塔於巖壤岡有塔銘

天白禪師名誠類本縣山南村人姓神覺瑞岩於桃園剪髮爲僧倏然頓悟上座說法咸一大開堂地臨終說偈坐化菴北有化塔

瘋和尚不知何處人康熙二十年間自外方來單衣跣足行不履正路日常不食人與食則食多少俱盡不言飽止不留餘剩隆冬冰水洗面水漸熱如沸湯人或與語信口荅一半句卽閉目默然人與錢至野卽埋不肖者取之則無在葛山溷跡十餘年不見隔八九年又來其所衣如故并不殘損奔葛山深林樵者見其枕虎而卧後不知所終

卧佛巖土洞之南循河三里有卧佛巖世傳昔人過岩聞石內斧鑿聲不斷者數月有牧羊僮常憩岩前樹

下聞岩內大呼開開如多人喧言僮懼而去數日又不憩息復聞如故僮遂大應曰你開罷岩遂崩墜震響如雷出大卧佛入滅像擁圍小佛無數形像如生絕無雕琢之痕時人於岩前建修殿宇名卧佛寺後因山水衝決火圯無跡佛像猶存予曾親見之

康熙四十四年乙酉四月蝻起西北各地延北羅大洋等村知縣林菁虔禱八蜡諸神三日有鳥千百北來搜食蝻類皆盡烏白頸鳥

山老瓜云事載八蜡祠碑

